

兵部侍郎兼都察院右副都御史、巡抚湖南等处地方提督军务兼理粮饷加十级景，为援例恳详等事。据湖南布政使朱绍曾，会同署按察使图勒彬呈详：嘉庆十三年十二月二十五日，奉宪台批据宁乡县学详称：本年十二月初三日，据生员曾衍詠呈前事，呈称：生原籍山东嘉祥县，前派脉祖先贤曾氏莱芜侯，开派嫡祖宗圣曾子十五传关内侯据，耻仕莽逆，挈族南迁今江西永丰县，即汉长沙郡地也。山东因是已无嫡居矣。据子阐十八传尚书丞，生珪、旧、略。珪四传御史庆，生二子，长伟次骈。嘉靖间，因山东无嫡，奉旨访查嫡裔。生房，伟祖之后。二十三

传名潮者，为生近祖，委系宗圣五十九代嫡孙，为南宗房，应归山东承袭翰博。让堂叔嵩、袞两人，嵩、袞奏称生长南方，不愿北徙，转让次房骈后、二十二传质粹归山东授翰林院五经博士，即今嘉祥县现袭翰博东宗房也。是山东，於宗圣曾子己有翰博而奉祀事矣。嘉庆戊午，东宗主以生本长房伟后，为宗圣曾子六十七代孙，即为先贤曾氏莱芜侯六十八代孙，实为长嫡，举为族总董修谱、庙，札谕粘电。生於南楚城内倡族修复宗圣庙宇，又立先贤曾氏莱芜侯专庙，岁时子弟读书两廊。既蒙长沙府县均给印示，玉成粘电，又蒙各宪碑准通详优免摹电。

切生族生祖先贤曾氏莱芜侯，鲁国大贤，孔门高弟，行无伤乎狂者，志见与于圣人。论其本身之贤当邀异数，非因克肖之子，始沛侯封。乃学问道德，与诸贤诸儒共相并美，而世袭翰博与诸圣诸儒，犹待同荣。切程氏不以兄贤而掩弟，孔氏不以祖圣而掩孙，则先贤曾氏，定不致以子圣而掩父贤，必可邀荣与诸贤诸儒之后而并袭世官，此千古之盛事，正留以待於今日而举行者也。况我圣朝，稽古右文，崇贤卹后，甄别圣贤，不爽铢锱。生祖先贤曾氏莱芜侯，犹未与同堂之闵、冉、仲、卜，后来之朱、程、关、张及其子宗圣曾子并袭世官者，原待时也。

兹者恭逢万寿，普天率土，随在沾施济之仁：往圣先贤，到处沐优崇之泽。时已至矣。是以，生不揣冒昧，自置祭产，不效各姓翰博，有动帑资。惟乞洪恩，申请恳题。俾先贤曾氏莱芜侯之后，与诸贤儒之裔，同袞翰博，共沐九重之恩荣，遂昭千秋之旷典。皇恩广沛，先贤有光而不朽之盛事，遂欣成于今日矣。生族唧结，代代顶祝。上呈等情，并据生员崔秩、周、杨业达、黎大，举人周邦喜，副榜周洛瞻等呈称：为公结恳详、隆贤后，以广皇恩事。切帷道统之传，申行为上，狂狷次之。盖狂狷用心绝乡愿，立志在圣贤，卓识孤诣於以敦人伦风化之

源，用是续精微之绪者也。先贤曾氏莱芜侯，春风鼓瑟，允矣卓越夫诸贤；传道得人，有子更增光其家学。是与同堂之闵、冉、仲、卜，后来之朱、程、关、张，共相并美於千古。即其本身之贤，当膺世爵之。乃诸贤诸儒之后，皆翰，而先贤曾氏莱芜侯之裔，既未能与同堂闵、冉、仲、卜之孙同袭翰博，以耀庙庭，此生等所以朝夕顶祝而乞请也。且查圣贤之生祖先贤曾氏莱芜侯，鲁国大贤，孔门高弟，行无伤乎狂者，志见与于圣人。论其本身之贤当邀异数，非因克肖之子，始沛侯封。乃学问道德，与诸贤诸儒共相并美，而世袭翰博与诸圣诸儒，犹

待同荣。切程氏不以兄贤而掩弟，孔氏不以祖圣而掩孙，则先贤曾氏，定不致以子圣而掩父贤，必可邀荣与诸贤诸儒之后而并袭世官，此千古之盛事，正留以待於今日而举行者也。况我圣朝，稽古右文，崇贤卹后，甄别圣贤，不爽铢锱。生祖先贤曾氏莱芜侯，犹未与同堂之闵、冉、仲、卜，后来之朱、程、关、张及其子宗圣曾子并袭世官者，原待时也。兹者恭逢万寿，普天率土，随在沾施济之仁；往圣先贤，到处沐优崇之泽。时已至矣。是以，生不揣冒昧，自置祭产，不效各姓翰博，有动帑资。惟乞洪恩，申请恳题。俾先贤曾氏莱芜侯之后，与诸贤

儒之裔，同袞翰博，共沐九重之恩荣，遂昭千秋之旷典。皇恩广沛，先贤有光而不朽之盛事，遂欣成于今日矣。生族啣结，代代顶祝。上呈等情，并据生员崔秩、周、杨业达、黎大，举人周邦喜，副榜周洛瞻等呈称：为公结恳详、隆贤后，以广皇恩事。切惟道统之传，申行为上，狂狷次之。盖狂狷用心绝乡愿，立志在圣贤，卓识孤诣於以敦人伦风化之源，用是续精微之绪者也。先贤曾氏莱芜侯，春风鼓瑟，允矣卓越夫诸贤；传道得人，有子更增光其家学。是与同堂之闵、冉、仲、卜，后来之朱、程、关、张，共相并美於千古。即其本身之贤，当膺

世爵之。乃诸贤诸儒之后，皆翰，而先贤曾氏莱芜侯之裔，既未能与同堂闵、冉、仲、卜之孙同袭翰博，以耀庙庭，此生等所以朝夕顶祝而乞请也。且查圣贤之后，翰博二十有七。内中祖孙兄弟，各邀荣於翰博庙宇坟墓，各分其世官。固各庆夫殊恩特沛，渥之深而又深者也。生等查得曾氏谱志，宗圣三十七代孙御史庆，生二子，长伟次骈。嘉靖间，骈后归山东袭翰博为东宗房，以奉宗圣庙祀。伟后生员曾衍詠为南宗房，曾氏以其长嫡举为族总，买置楚省城内，修复宗圣曾子庙宇，又立先贤曾氏莱芜侯专庙，承先有志，裕后惟殷。竭力捐修，言行见



重於閤族：笃亲念切，孝思久著於乡邻。生等愚昧，以曾氏次房骈后，既有翰博祀宗圣於山东，而长房伟后，应宜援闵、冉、仲、卜，朱、程、关、张之例，同袭翰博，祀先贤於南楚。庶曾氏一圣一贤之后，房分长次，均沾覃恩之褒崇：地别东南，并沐特恩之优奖矣。生等理合公结，邀恳洪恩，赏准详请，题袭翰博，以光俎豆，深沾上稟等情，并据户邻出具甘结前来。

据此，该宁乡县儒学教瑜刘世法，训导陈泰鸿，核看得卑学生员曾衍詠呈请题袭先贤曾氏莱芜侯翰博一案。查圣贤后裔，原有应袭之洪恩；圣贤相传，亦有分袭之令典。先贤曾氏莱芜侯

鲁国大贤孔门高弟，品诣既卓越乎诸贤，有子更增光其家学。

皇恩浩荡，宗圣袭翰博之荣；圣德广敷，先贤沐配享之宠。崇贤卹后，亦云极矣。惟查则例，内载闵、冉、仲、卜之徒，咸邀荣於翰博，孔、朱、关、张之后，俱分袭其世官，其中有祖孙分袭，兄弟分袭，庙墓分袭，一门之内，或二或三，诚因本身之贤，克承恩诏也。覆。先贤曾氏莱芜侯，道德文章，既不

让夫闵、冉、仲、卜；性情学问，又何逊夫朱、程、关、张！是其本身之贤，可邀分袭之职。况次房骍后，既祀宗圣，而长房伟后，应祀先贤。今者楚南建有专祠，似属可袭之庙。衍詠

又系伟房嫡长，更觉可袭之人。是宗圣荷宠锡於山东，而先贤又待荣於南楚，庶不致以子圣而掩父贤，而主器之长子，亦得以承祀于专庙矣。兹据该生里邻户首，出具甘结前来，理合加具印结，申赍查核。等情奉批，仰布政司核明详夺结图存。又奉前督宪汪批，仰南布政司查例核议，通详结图存。

各等因行据长沙府，以世袭今典是否应准添设有人奏。且曾衍詠系曾氏嫡派长房。南省无从稽考，详经前署司详奉咨准袭封衍圣公府咨开：本年四月二十五，贵部院咨。据署湖南布政使傅详宁乡县学生员曾衍詠，是否曾氏嫡派长房。详请移咨山

东，查明宗圣曾子世系，及应否添设博士之处，咨覆来南，另行办理。等情到本护院，据此咨呈，迅速查明赐覆，并送宗图一纸，等因准此，当经转行该博士，详悉查去后，兹据宗圣曾子嫡裔、世袭翰林院五经博士曾纪连申称：本年四月二十八日，蒙爵宪札开：『该博士迅即查明谱系，将湖南宁乡县生员曾衍詠，是否嫡裔长房绘具宗图，并声明该博士支派，果否次房推让迁东袭职。各缘由限三日内，具文详晰申覆，以凭咨覆办理可也。』等因到职。伏查得先贤曾氏名点字子皙，从学圣门，磊落天姿。志异三子之撰，渊源家学，道启一贯之传。至圣喟然叹曰：『吾

与点也』。诚非七十子所可同也。职查爵宪受封始於汉，四氏世职始於明。我朝崇儒重道，远迈前代。顺治元年，钦奉世祖章皇帝恩诏：『圣门典例，期於相沿优渥，钦此。』圣祖仁皇帝、世宗宪皇帝，恩纶叠沛，闵、冉等氏，相继增置博士，以奉诸贤祀典。乾隆四十年，陕西巡抚华沅，奏请增置姬氏博士，乾隆五十年，山东巡抚明，奏请增置有子博士，均蒙高宗纯皇帝恩允在案。嘉庆七年，山东巡抚和宣，奏请增置先儒伏胜博士一员，钦奉我皇上恩旨，以伏敬祖承袭。兹先贤曾皙，功德实并於闵、冉，亲受及门之传，较久袭之昌黎韩氏，新袭之济南

伏氏，为尤应也。是诸贤诸儒得沐世职，固圣朝逾格之恩音，亦大宪乞请之德泽也。再查博士之设，关氏有三，朱氏有二，崇祀皆只一圣一贤。今曾氏一门父贤子圣，虽有博士一员，亦祇专祀宗圣曾子。至先贤曾氏，请增博士之处，论其本身之贤，授诸先贤先分袞各袞之例，亦属相符。倘邀世袞之荣，庶不致以子圣而掩父贤也。再查职家乘内载，明嘉靖十八年，奉明世宗诏，通行天下，访宗圣曾子后裔。据江西布政使司咨呈该提学副使徐階，亲诣水丰县，查得曾子十五代孙曾据，不仕新莽，南迁吉阳，生曾阐、曾瑒。阐居吉阳，瑒徙虔州。阐后十八代

曾丞，生曾珪、曾旧、曾略。旧徙云盖，略迁抚州，惟珪仍居吉阳。传至曾孙庆，生曾伟、曾骈。伟生辉，辉后十五代曾桀为学士，上距曾子五十五代。骈生耀，耀后二十一代即质粹，上距曾子五十九代。查勘曾氏自迁江西而言，居永丰者为嫡，徒虔州、云盖、乐安者为次；自永丰而言，出曾辉后者为嫡，出曾耀后者为次。辉后，现存永丰廩生曾嵩、曾衰，各文行修饬，不乐北徙。惟曾质粹谱系源流，真正明白。原系合族推举，读书循理，委无别项违碍，应合起送承守庙林祀事。经礼部具题，奉明世宗谕旨：『曾质粹既勘系宗圣曾子之后，准照颜孟例，

授翰林院五经博士，钦此。』今生员曾衍詠，乃先贤曾氏六十八代嫡孙，为长房曾辉之裔。其近祖曾芝，自明天顺间，迁徙湖南宁乡麻田地方，与职实系一脉相传，均为嫡裔，确与谱系宗图悉相符合。嘉庆三年以来，倡率族众，建立先贤曾氏专庙，既棲神而有所，应主祀之有人，允宜请置博士，以彰皇仁而隆典礼。且其平日孝友著於族姓，言行重於邻邦，合族所共推，职素所深悉，缘奉宪檄行查，拟合援例申覆。并取具宗族甘结同宗图，申请爵宪咨覆湖南抚宪，奏请圣鉴，实为恩便。等情到本爵府，据此，查先贤曾氏、宗圣曾子，均为圣门高弟，而



曾氏皙，言志同圣，象贤得宗，洵非七十子所可同也。虽有博士一员，只奉山东之宗圣曾子专庙。今湖南既建有先贤曾氏专庙，恳援各氏之例，请设博士，实足以彰我圣朝崇儒重道，有加无己之盛典。兹据申送宗图甘结，本爵府覆查无异。惟事涉人奏，令典攸关，本爵府未便遽行题请。且查元圣周公、先贤朱子并关氏各裔博士，皆系各省具题添设分袭。兹准前因，是在贵部院维持斯文，复加确查，飭取地方切实印甘各结，均无异议。仍由贵部院查核例案，据情奏办。如蒙圣恩准其设立博士，即祈移知本爵府，以便照例咨送礼部考试题袭，为此咨覆

查照。同日并准山东抚部院咨同前由。十五年十二月十四日，又准山东抚院吉咨开，据布政使司朱锡爵详，据直隶济宁州知州王，转据嘉祥县知县戴屺详称；卑职核看得先贤曾氏，行诣卓越，学识高明。侍坐同堂，言志见与於至圣；道传一贯，令子继起以象贤。洵堪媲美於及门，宜并邀荣於世职。乃宗圣曾子既有主祀，而先贤曾氏尚无分荣。兹准该翰博查得曾衍詠，实系曾氏嫡派长房裔孙，并援先贤先儒分袭各袭之例，移送宗图各结，恳请添袭博士前来，卑职覆查无异，拟合将送宗图钤结，具文呈详核转等情到州，转详到司，据此拟合将送到宗图

鈴結，詳請移咨湖南撫院查辦。等情到本部院，据此拟合移咨。為此，合咨貴部院，請煩查照施行。各等因咨院行司奉此當經行據長沙府知府張鳳枝轉據寧鄉縣知縣張秀芝詳稱：卑職遵即傳喚曾衍詠之里鄰生員周琥、王虔、黎大翥、崔秩、李珖、楊業達，副榜周洛瞻，舉人周邦喜，戶首曾紀緒、曾紀，監生曾興光、曾興等，查訊均稱曾衍詠，實系長房嫡派，山東現在博士曾紀連，實屬次房。衍詠志切念祖，修廟置產，應襲先賢曾氏博士，以光祀典，并呈宗圖甘結前來。該卑職核看得先賢曾氏萊蕪侯，性情道德與當年之閔、冉、仲、卜，後來之朱程關

张共相并关，是其本身之贤，当邀异数之奖。伏查典例，诸贤诸儒之嗣均有世袭之职，且各家分袭。孔氏一在山东曲阜，一在浙江西安。朱氏一在安徽婺源，一在福建建安。关氏一在山西解州，一在湖北江陵，一在河南洛阳。地方虽殊，圣泽则一故一门之内。或二或三翰博，以祀一圣贤，不以一二圣贤共一翰博以并祀者也。曾氏一门，称宗圣者子也，而为圣门之圣，称先贤者父也，而为圣门之贤。子以圣既蒙世袭，而父以贤得邀世官。不惟子圣不掩父贤，而且彰有父贤之最优者。配享之外，专庙之中，沐天恩优渥之深而又深者矣！查曾子三十七代

御史庆，生二子：长伟次骈。骈后袭翰博奉祀宗圣於山东。而长房伟后即卑县现充曾氏族总生员曾衍詠也，修置庙产，应祀先贤於南楚。恭惟圣天子孝治天下，文教诞敷，共庆率土，普天并无此疆尔界。曾氏一圣一贤之后，房分长次，均沾圣德优崇。地别东南，允沐特典优奖。兹奉檄飭取具宗图，户邻甘结，理合加粘印结，详请察核，加看转详。等情到府，据此该长沙府知府张凤枝，核看得先贤曾氏，曲烈名裔，巫公弈叶，詠沂水於春风，润尼山之化雨。惟君子有谷，而克启贤关；斯后昆垂裕，而优入圣域。问传曾子，行在《孝经》。律隆享祀之仪，

久沛丝纶之渥。率义则名重，惟人庙而敬所尊；诒谋则情肫，宁数典而忘其祖？且查礼部则例，关氏翰博有三，朱氏翰博有二，此皆一圣一贤，得袭二三翰博。何况曾氏一门父贤子圣，现仅博士一员，似可仰邀增置。俾曾氏后裔次房曾纪连，已袭世职，得奉宗圣於山东。长房曾衍詠，请增设翰博，分祀先贤於南楚。则曾氏之世官有自，而盛朝之旷典弥加，是亦废修坠举之义，益昭崇儒重道之隆。兹据宁乡县绘具宗图，取具户邻甘结，加粘印结，具详前来，相应加具结看详，恳赐转请奏。

等情到司，据此，该湖南布政使同朱绍曾，署按察使图勤彬会

核，看得先贤曾氏，襟怀旷达，学具本源。春风侍坐，品诣已卓越夫及门；化雨涵濡，令子更同登於圣域。志异三子之撰，胞与为怀；道统一贯之传，日星并丽。隆儒卹后，宗圣已设博士於山东；崇德报功，先贤宜增世职於南楚。兹奉咨准山东查明曾衍詠实系曾氏嫡派长房嫡孙，并据该县、府查取宗图、各结加结加看，详请添袭博士前来，本同等覆核无异，相应详请会核，援例奏请增置翰博一员，奉祀先贤曾氏专庙，以彰皇仁而隆典礼。等情到本部院，据此，除恭摺会衔具奏外，所有山东省咨送宗图钤结及南省宗图供甘印结相应咨达。为此合咨贵

部，请烦查照，示覆施行。

须至咨者，计咨送山东翰博宗图铃结各一纸，南省宗图一纸，结一套

右咨

礼部

嘉庆十六年六月十二日（七月初九日到）